

# ALKOHOLPOLITISKE RETNINGSLINER FOR SELJORD KOMMUNE

(Vedtatt av kommunestyret den 11. juni 2015. Retningslinene vart deretter tilpassa endringar i alkohollova og vedtatt av kommunestyret 7. april 2016. Endringar av punkt 4.1 vart vedtatt av kommunestyret 22. juni 2016.)

## 1. Overordna struktur:

- 1.1 Alkoholpolitiske retningslinjer for Seljord kommune inngår som ein del av den Rusmiddelpolitisk handlingsplanen.  
Dei alkoholpolitiske retningslinjene vedtakast av kommunestyret, evaluerast fortløpande og rullerast min. ein gong i kvar kommunestyreperiode.

## 2. Målsetting:

- 2.1 Seljord kommune sitt overordna mål med alkoholpolitiske retningslinjer er at sal og skjenking av alkoholhaldig drikk skal skje i ryddige og kontrollerte former i samsvar med Alkohollova sin målsetting.

### Kommunane kan gje fylgjande type løyve:

Løyve til sal av alkoholhaldig drikk i gruppe 1. (Alkohollova § 3-1)

### Løyve til skjenking av alkoholhaldig drikk:

gruppe 1 eller  
gruppe 1 og 2 eller  
gruppe 1, 2 og 3.

### Definisjonar jf. Alkohollova og Forskrift om omsetjing av alkoholhaldig drikk:

- Alkoholfri drikk er drikke med mindre enn 0,7% alkohol
- Alkoholsvak drikk er drikke mellom 0,7 og 2,5 % alkohol.
- Alkoholhaldig drikk delast i tre grupper:
- Gruppe 1. over 2,5% og mindre enn 4,7% alkohol
- Gruppe 2. over 4,7% og mindre enn 22% alkohol
- Gruppe 3. mellom 22% og 60% alkohol

### Aldersgrenser for kjøp og inntak av alkohol

- Drikk med 22% alkohol eller meir : 20 år
- Drikk med mindre enn 22% alkohol : 18 år
- Drikk med under 0,7% alkohol : ingen aldersgrense

## 3. Salsløyve:

- 3.1 Løyve for sal av alkoholhaldig drikk med høgst 4,7 volumprosent alkoholinnhald (gruppe 1), vert gjeve til daglegvareforretningar.
- 3.2 Salsløyvet kan søkjast utvida til også å gjelde innførsel av alkoholhaldig drikk med høgst 4,7 volumprosent alkoholinnhald for sal i eigen verksemd.
- 3.3 Verksemdar med løyve til tilverking av alkoholhaldig drikk, kan få løyve til sal av eigne varer med høgst 4,7 volumprosent alkoholinnhald (gruppe 1) i godkjende lokalar.  
Slikt løyve gjeld ikkje skjenkestader med tilverkingsløyve for skjenking i eiga verksemd.
- 3.4 AS Vinmonopolet har løyve for sal av alkoholhaldig drikk med høgare alkoholinnhald enn 4,7 volumprosent i eit utsal i Seljord kommune.

## 4. Skjenkeløyve:

- 4.0 Det kan ikkje skjenkast alkoholhaldig drikk

- ved idrettsarrangement.

- ved barnearrangement, ungdomsarrangement og festivalar med ungdom som målgruppe og aldersgrense under 18 år.

- 4.1 Alminneleg skjenkeløyve for all alkoholhaldig drikk (gruppe 1, 2 og 3) kan gjevast til hotell/gjestgjevare, spiserestaurant, pub, diskotek/danserestaurant, gardsturisme, kulturhus og til arrangement på Dyrsku'plassen .
- 4.2 Alminneleg skjenkeløyve for alkoholhaldig drikk med alkoholinnhald lågare enn 22 volumprosent (gruppe 1 og 2) kan gjevast til vegkroer og til kafeteriaer som klart skil seg ut frå gatekjøkken/hurtigmatrestaurant. Skjenkeløyvet kan utvidast til også å gjelde alkoholhaldig drikk med 22 volumprosent alkohol eller meir (gruppe 3) i slutta selskap.
- 4.3 Verksemdar med løyve til tilverking av alkoholhaldig drikk, kan få løyve til skjenking av eigne varer med alkoholinnhald lågare enn 22 volumprosent (gruppe 1 og 2) i godkjende lokalar.
- 4.4 Ambulerande skjenkeløyve for all alkoholhaldig drikk kan gjevast for eit avgrensa tidsrom i slutta selskap.
- 4.5 Eit skjenkeløyve (ikkje ambulerande) kan utvidast til også å gjelde tilverking og/eller innførsel av alkoholhaldig drikk som ikkje er brennevin for skjenking i eigen verksemd. Vilkår for tilverking av alkoholhaldig drikk er at dette inngår som ein del av verksemdas totale tilbod og karakter. Tilverking kan berre skje i godkjend lokale. Kommunen skal underrettast kvar gong produksjon setjast i gang.
- 4.5 Eit skjenkeløyvet er knytt til bestemte lokalar og/eller uteareal med godkjend skjerming mot omgjevnadane.
- 4.6 Kommunen vil før tildeling av løyve vurdere plassering, innreiing, konsept, meny m.m.

## 5. Sals- og skjenketider:

- 5.1 Sal av alkoholhaldig drikk med høgst 4,7 volumprosent alkoholinnhald kan skje i tidsrommet:

Måndag – fredag, inklusiv dagen før Kristi Himmelfartsdag	kl. 08.00 – kl. 20.00.
Laurdag/dagar før son og heilagdag	kl. 08.00 – kl. 18.00.
- 5.2 Skjenking av alkoholhaldig drikk med alkoholinnhald lågare enn 22 volumprosent kan skje i tidsrommet:

I skjenkelokale og ved arrangement på Dyrskuplassen:	kl. 10.00 – kl. 02.00.
I skjenkelokale ved slutta selskap:	kl. 10.00 – kl. 03.00.
Overnattingsstader kan til overnattingsgjester skjenke utan omsyn til tidsavgrensinga.	
Ved uteskjenking kvardag, sundag og høgtidsdag:	kl. 10.00 – kl. 24.00.
Ved uteskjenking fredag/laurdag og dag før høgtidsdag samt alle dagar ved slutta selskap:	kl. 10.00 – kl. 02.00.
- 5.3 Skjenking av alkoholhaldig drikk med 22 volumprosent alkohol eller meir kan skje i tidsrommet:

I skjenkelokale:	kl. 13.00 – kl. 02.00.
I skjenkelokale ved slutta selskap:	kl. 13.00 – kl. 03.00.
Ved uteskjenking kvardag, sundag og høgtidsdag:	kl. 13.00 – kl. 24.00.
Ved uteskjenking fredag/laurdag og dag før høgtidsdag samt alle dagar ved slutta selskap:	kl. 13.00 – kl. 02.00.
- 5.4 Maksimal opningstid for skjenkestaden er lik skjenketida med tillegg av ei avviklingstid på 30 minuttar. Elles gjeld alminnelige lover og føresegner for sal og skjenking.

## **6. Tildeling av løyve:**

- 6.1 Formannskapet har fullmakt til avgjerd i alle sals- og skjenkeløyvesaker. Fullmakt til å gjeva ambulerande skjenkeløyve og skjenkeløyv/utviding av skjenkeløyve ved eit bestemt høve/einskilde arrangement blir delegera til rådmannen.
- 6.2 Løyve, når det ikkje er tale om ambulerande løyve, vert gjeve inn til vidare. Ved endringar i driftskonsept, innreing av lokale, eigarskap m.v. må det søkjast om nytt løyve.

## **7. Vilkår:**

- 7.1 For alle sals- og skjenkeløyver i Seljord kommune gjeld fylgjande vilkår:
  - Løyvehavarane skal uoppføra for kvart år sende inn oppgåve over omsetjing innan 15.februar året etter.
  - Løyvehavarane v/styrar og stedfortredar plikter å møte på eit årleg møte med kommunen og lensmannen for utveksling av erfaringar, gjennomgang av aktuelle sider ved lovverket, ordensmessige problem mv.
  - Internkontrollrutinar skal føreligge skriftleg. Frå kommunen si side blir det lagt vekt på kartlegging av risikotilhøve, rutinar for opplæring av tilsette, rutinar for å hindre sal/skjenking til mindreårige og rutinar for vakthald.
  - Pengespelautomatar skal ikkje finnast på stader med sals- eller skjenkeløyve.
- 7.2 Særskilde vilkår for løyvet kan fastsetjast for den einskilde sals- eller skjenkestaden
- 7.3 Manglande oppfyljing av vilkår fører til tildeling av prikkar.

## **8. Kontroll og reaksjonar ved brot på løyvevilkår.**

- 8.1 Kontroll skal skje i samsvar med forskrift til Alkohollova kap. 9. Rådmannen avgjer korleis alkoholkontrollen skal utføres.
- 8.2 Ved brot på Alkohollova, føresegnene til lova, vilkår eller anna i strid med Alkohollova sit føremål, vil verksemda bli tildela ei bestemt mengd prikkar i høve til alvor og karakter på brotet, i samsvar med forskrift til Alkohollova kap. 10. 12 prikkar i løpet av 24 månadar vil medføre inndraging av løyvet for min. ei veke.
- 8.3 Ved prikktildeling får løyvehavaren ei skrifteleg åtvaring/melding med pålegg om å rette opp tilhøva innan 2 veker. Er ikkje tilhøva retta opp innan neste kontroll, vert det ny prikktildeling.
- 8.4 Kontrollsaker som kan føre til tideling av prikkar og inndraging av løyve hansamast av formannskapet. Løyvehavar skal varslast på førehand. Reglar for sakshandsaming og klage fylgjer forvaltningslova når ikkje anna er bestemt i Alkohollova med forskrifter.

## **9. Gebyr:**

- 9.1 Årleg gebyr for sal og skjenking av alkoholhaldig drikk vert fastsett på grunnlag av siste års omsetjingsoppgåve frå løyvehavarane, jf. § 6.2 i ”Forskrift om omsetjing av alkoholhaldig drikk mv.”
- 9.2 Gebyr skal dekke kontrolltiltak. Gebyr som ikkje vert nytta til kontrolltiltak går til andre førebyggjande tiltak.

## **10. Kunnskapsprøve**

10.1 Kunnskapsprøve i Alkoholova kan tas ved å vende seg til koordinator for rusomsorg, avdeling for psykisk helse og rusarbeid.